

2. *Calicis limbus calyptrae instar deciduus. Filamenta lata, brevia. Antherae longitudinaliter dehiscentes, dorso carnosae. Receptacula angulo interno fructus indehiscens versus basin affixa, adscendentia. Semina cuneata, angulata.*

*MELASTOMA AZUREUM*, Bl.

*M*: foliis trinerviis ovato-vel ovali-oblongis utrinque attenuatis integerrimis glabris, pedunculis axillaribus terminalibusque uni-seu paucifloris, floribus octaudris, ovarii setis ramosis muricatis, caule arborescente (flores azurei).

*Crescit*: in sylvis montanis.

*Nomen*: Kibessie.

*TRISTEMMA*, Juss.

*Calix* basi multibracteatus, tubulosus, 4-5-fidus, prope limbum marginibus vel appendicibus barbatis instructus. *Petala* tot quot divisiones calicinae, unguiculata, calici inserta. *Stamina* 8-10, ibidem inserta. *Filamenta* libera. *Antherae* subarcuatae, basi subauriculatae. *Ovarium* in fundo calicis, vix adnatum. *Stylus* 1. *Stigma* indivisum. *Bacca* varie depressa, calice vestita, 4-5-locularis, polysperma. *Receptaculum* in quoque loculo axi affixum.

*TRISTEMMA ANGUSTIFOLIUM*, Bl.

*T*: foliis trinerviis lineari-lanceolatis scabris, capitulis paucifloris terminalibus, caule herbaceo tetragono.

*Crescit*: in Moluccis.